

Broj: 08.3-36-3288/21 VL
Sarajevo, 22.02.2021. godine

ISTINOMJER.BA
U.G. Zašto ne
Gabriele Moreno Locatelli 21
71000 Sarajevo, BiH

PREDMET: Zahtjev za ispravku iznesenih podataka objavljenih na Vašem portalu

Shodno video materijalu koji ste objavili 13.02.2021. godine na vašem portalu "Istinomjer.ba", a u kojem se spominje BH Pošta, obavještavamo Vas o sljedećem:

Podaci koje navodite u video prilogu pod nazivom: „U Federaciji BiH više od dvije i po hiljade službenih vozila” od 13.02.2021. godine, a koji se odnose i na broj službenih vozila koje posjeduje BH Pošta, nisu tačni.

Smatramo da iznošenjem nepotpunih i netačnih podataka, štetite ugledu BH Pošte kao najvećeg javnog poštanskog operatera u BiH, a pogotovo stavljajući BH Poštu u kontekst broja službenih vozila koja voze pojedinci u državnim institucijama.

BH Pošta nije državna institucija nego kompanija čija se primarna djelatnost odnosi na transport i uručenje u okviru Opšteg reda prijevoza i Reda prijevoza poštanskih pošiljaka što, logično, iziskuje veći broj transportnih vozila, ali ne onaj broj koji Vi, bez ikakvih argumenata, navodite.

U svrhu istinitog i blagovremenog informisanja javnosti želimo da objavite naš demantij u kojem navodimo ispravne i istinite podatke o broju službenih vozila u vlasništvu "JP BH POŠTA" d.o.o Sarajevo. Trenutno vozni park BH Pošte, a u koji su uračunati kapaciteti svih naših radnih jedinica od Generalne direkcije, Glavnog poštanskog centra, te svih sedam Centara pošta, čini **241 putničko i teretno vozilo.**

Tražimo da ispravite navode koje ste netačno i neprovjereno naveli, kako bi javnost bila ispravno informisana i kako transparentnost podataka iz naše kompanije ne bi bila dovedena u pitanje.

Ubuduće, a radi istinitog informisanja javnosti, za sve informacije obratite se našem Odjeljenju informisanja koje je dužno, kao i svim ostalim medijima, dati ispravne podatke na sva medijska i pitanja javnosti.

S poštovanjem,

"JP BH Pošta" d.o.o Sarajevo

